

Newspaper	AMANAHAH
Date	11 SEPTEMBER 2016

Pertemuan bersejarah bakal ubah lanskap politik Malaysia

Amanah
- 11/9/2016

PERTEMUAN bersejarah antara Tun Dr Mahathir Mohamad dengan bekas timbalannya, Datuk Seri Anwar Ibrahim 5 September lalu dan berjabat tangan erat umpama penyatuan dua ting seri utama politik Malaysia.

Ia juga satu peristiwa ajaib yang bakal merubah lanskap politik Malaysia, kata para pemimpin politik tanah air ekoran peristiwa bersejarah itu.

"Saya sudah impikan dua tokoh yang bersalingan selama 19 tahun untuk kembali duduk sebaris," kata tokoh baru AMANAH, Datuk Husam Musa.

"Satu Sinergi dua gergasi dan tenaga penyatuan. Demi Malaysia, pertautan dua tiang seri politik Malaysia sangat dialukan," katanya.

"Keadaan negara masa kini sangat memerlukan sinergi itu," kata bekas naib presiden Pas yang baru menyertai AMANAH dan kini menggegarkan Kelantan itu.

Bagi beliau, Anwar adalah pengganti yang tepat kepimpinan negara.

"Anwar adalah natural successor yang masih aktif," katanya.

Bagi Pengarah Strategi AMANAH, Dr Dzulkefly Ahmad, peristiwa 5 September lalu di Mahkamah Tinggi Kuala Lumpur adalah peristiwa ajaib.

Beliau berpendapat ramai rakyat mahu menyaksikan pertautan kedua-dua negarawan itu yang masing-masing berjiwa besar demi mengangkat agenda memakmurkan rakyat dan me-

nyelamatkan negara.

"Satu titik mula semula, yang meneruskan gandingan kepemimpinan dua tokoh besar ini, yang masih menantikan natijah tertanggung kepemimpinan mereka selama hampir dua dasawarsa.

"Mereka tidak punya waktu lagi untuk berlengah membicarakan perihal titik-bengik kesilapan silam. Ya, bukan mudah melupakan semua sejarah 'hitam' itu. Namun mereka lebih memahami tuntutan mendesak rakyat dan negara sekarang.

"Apakah akan kita saksikan erti dan makna kata-kata hikmah orang tua kita dahulu iaitu biduk berlalu, kiambang bertaut," kata Dr Dzulkefly lagi.